

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.02.2018թ. թիվ 1807650331 որոշումն անփոփոխ, իսկ վարչական բողոքն առանց բավարարման թողնելու մասին

<<30>> 03 2018թ. 174-34886-18/17-4-4901

ք.Երևան

ՀՀ ոստիկանության ճանապարհային ոստիկանության պետ, ոստիկանության ցնդապետ Ե.Կարապետյանս, վերանայելով Արա Գևորգյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորքի 7-րդ զանգվածի 27 շենքի 17 բնակարանի բնակիչ Արա Գևորգյանը Ճանապարհային ոստիկանությանը հասցեագրած դիմումով խնդրել է վերանայել 03.11.2015թ. թիվ 1503809124 որոշումը՝ նշելով, որ գտնվել է հարսանեկան արարողության մեջ:

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտը վերանայելու հիմք չի կարող հանդիսանալ հետևյալ պատճառաբանությամբ.

դիմումատուն չի վիճարկել իր կողմից ճանապարհային երթևեկության կանոնների խախտում թույլ տալու փաստը, այն հաստատվել է նաև Ճանապարհային ոստիկանության վարչական տույժ նշանակելու մասին 21.02.2018թ. թիվ 1807650331 որոշման հիմքում դրված տեսանյութով, որից հստակ երևում է, որ դիմումատուին պատկանող տրանսպորտային միջոցը 11.02.2018թ. ժամը՝ 16:20-ին Երևան քաղաքի Արգիշտի մաշտոց փողոցների խաչմերուկ է մուտք գործում դեպի հետադարձ երթևեկությունը թույլատրող լուսացույցի լրացուցիչ սեկցիայի անջատված ազդանշանի ներքո, իսկ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 8-րդ կետի համաձայն՝ լրացուցիչ սեկցիայի անջատված ազդանշանը արգելում է երթևեկությունն այդ սեկցիայով կարգավորվող ուղղությամբ:

Այսպիսով, դիմումատուի արարքում ակնհայտ է վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի զանցակազմը, հետևաբար նրան վարչական պատասխանատվության ենթարկելու մասին որոշումն իրավաչափ է և օրինական:

Ինչ վերաբերում է հարսանեկան արարողությունում գտնվելուն, ապա որևէ իրավական ակտով այդ կարգի արարողություններին մասնակցող տրանսպորտային միջոցների վարորդների համար ճանապարհային երթևեկության կանոնները չպահպանելու արտոնություն սահմանված չէ:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 21.02.2018թ. թիվ 1807650331 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արա Գևորգյանին և ՃՈ ՍՄՀ-ին:

[Ստորագրություն]



Ե.Կարապետյան